



Årsmøte

Ørsta idrettslag

25.3.2019

Kl. 20.00 i Ørstahallen

Årsmøte i Ørsta idrettslag

Måndag 25.mars 2019 kl. 20.00 i klubbrom 1.

Sakliste

Sak 1: Godkjenning av røysteføre.

Sak 2: Godkjenning av innkallinga, forretningsorden (møtereplane) og saklista.

Sak 3: Val av ordstyrar, møtesekretær og to representantar til å skrive under protokollen.

Sak 4: Handsaming av idrettslaget si årsmelding frå styret og gruppene.

Sak 5: Handsaming av idrettslaget sin rekneskap i revidert stand.

Sak 6: Handsaming av innkomne forslag og saker:

- Oppstart bordtennis-gruppe.

Sak 7: Fastsetje medlemskontingent, og treningsavgift.

Sak 8: Vedta idrettslaget sitt budsjett.

Sak 9: Handsame laget sin organisasjonsplan og anleggsplan.

Sak 10: Engasjere statsautorisert/registrert revisor til å revidere idrettslaget sin rekneskap.

Sak 11: Gjere følgjande val:

- a) Leiar, nestleiar, økonomileiar og skrivar.
- b) 1 styremedlem og 2 varamedlem.
- c) Andre val i høve til vedteken organisasjonsplan.
- d) Kontrollkomité med minst to medlemmar.
- e) Representantar til ting og møte i dei organisasjonsledda som idrettslaget har representasjonsrett eller gje styret fullmakt til å oppnemne representantane.
- f) Valkomité.

Sak 12: Utmerkingar: Æresmedlemskap, innsatspokal, leiardiplom og merksemd for avtroppande hovudstyremedlemmar.

Tilrådingar frå Styret

Sak 2: Innkalling, forretningsorden (møtereplane) og sakliste

Innkallinga: Lagt ut info på heimesida 04.02.19 og annonse innsett i Møre-Nytt 26.02.19.
Styret si tilråding til vedtak: Årsmøtelyden godkjenner innkallinga.

Forretningsorden (møtereplane):

1. Ingen har til vanleg rett til meir enn 3 innlegg i same sak. Ordstyrar kan gjere framlegg om avgrensa taletid og/ eller strek for dei innmelde talar. Replikkar og merknadar til forretningsorden skal vere korte.
2. Alle framlegg må leverast skriftleg til ordstyrar og vere underteikna av framleggar(ane).
3. Etter at strek er sett, eller at saka er teken opp til røysting, kan tidlegare framlegg ikkje trekkast tilbake- og nye framlegg kan ikkje settast fram.
4. På årsmøtet kan det ikkje handsamast forslag om lovending som ikkje er oppført på utsend/ kunngjort sakliste. Andre saker kan handsamast når 2/3 av dei med røysterett på årsmøtet vedtek det, ved godkjenning i saklista.
5. Alle vedtak og val vert avgjort med fleirtal av dei avgjevne røyster, med dei unntak som er fastsett i lova. Ved røysteliskap fell framlegget. Blanke røyster tel ikkje, og røysta vert rekna som ikkje avgjeven. Dette gjeld ikkje personval.
6. Ved personval skal det til vanleg vere skriftleg avrøysting, og alle røyster, også blanke røyster, skal protokollast. For å bli valt, må ein kandidat ha minst halvparten av dei avgjevne røystene, blanke røyster irekna.
7. Framlegg og vedtak vert førde inn i møteboka, med talet på avgjevne røyster for og mot.
8. Forretningsorden skal følgje sakspapira til kvart årsmøte.

Styret si tilråding til vedtak:
Årsmøtelyden godkjenner forretningsorden.

Sakliste (i samsvar med lov for ØIL):
Styret si tilråding til vedtak: Årsmøtelyden godkjenner saklista

Sak 3: Val av ordstyrar

Styret si tilråding:
Porshad Hafezi

Val av møtesekretær

Styret si tilråding:
Ingelin Fagervoll

Val av teljekorps

Styret si tilråding: veljast ved behov

Val av to personar til å underteikne møteprotokollen

Styret si tilråding: veljast av Årsmøtet

Sak 4: Handsaming av idrettslaget si årsmelding frå styret og gruppene.

Styret si tilråding til vedtak: Styret si årsmelding vert godkjent. Årsmeldingane for gruppene vert tekne til vitande.

Sak 5: Handsaming av idrettslaget sin rekneskap i revidert stand.

Styret si tilråding til vedtak: Årsmøtet godkjenner revidert rekneskap for 2018.

Sak 6: Handsaming av innkomne forslag og saker:

- Oppretting av bordtennis-gruppe. Det er ønske om oppstart av bordtennis i Ørstahallen, i treningsrommet i andre høgda. I starten vil Evgeniya og Ronny Humberseth ta ansvar i gruppa. Det er tenkt satsing på rekruttering av unge utøvarar, og utvikling av gruppa over tid. Det er tilrettelagd for bordtennis i Ørstahallen.

Styret si tilråding til vedtak: Årsmøtet vedtek oppstart av bordtennis-gruppe og innmelding i Norges bordtennisforbund. Gruppa får namnet Ørsta IL bordtennis.

Sak 7: Fastsetje medlemskontingenten.

Styret har forslag om uendra medlemskontingent for 2018:
Familie kr 400 (rabattordning, laget har berre personlege medleamar)
Vaksne (over 18 år) kr 200
Born kr 100
Støttemedlem kr 100

Styret si tilråding til vedtak: Årsmøtet vedtek forslaget.

Sak 8: Vedta idrettslaget sitt budsjett for 2019.

Styret si tilråding til vedtak: Årsmøtet godkjenner dei framlagde budsjett for Hovudlaget, klubbhuset, stadion og gruppene.

Styret får fullmakt til å godkjenne mindre budsjettendringar i løpet av arbeidsåret.

Sak 9: Handsame laget sin langtidsplan for anlegg.

Sist handsama og godkjend av ordinært årsmøte i Ørsta idrettslag mars 2018. Planen gir oversikt over aktuelle anleggsutbyggingar i laget dei næraste åra. Med bakgrunn i innmeldte planar, behov og ynskjer frå gruppene. Planen er også grunnlag for laget si innmelding av anleggsplanar til kommunen, og der gjennom også plassering/ prioritering i handlingsprogrammet til "kommunedelplan for idrett og fysisk aktivitet".

Planen er todelt:

1. Prioriterte anlegg

Dette er anlegg som er prosjekterte, godkjende og klare for realisering.

~~— Vanningsanlegg/drenering/mur rundt kunstgrasbana (ferdig 2018). —~~

2. Uprioriterte anlegg

Dette er anlegg som er innmelde med bakgrunn i behov og ynskjer. Tekniske planar, kostnad, finansieringsplan, grunnavtale mv er ikkje utarbeidd og klargjort. Såleis kan årsmøtet ikkje ta stilling til godkjenning og prioritering.

- Tribune ved langside kunstgrasbana.
- Skileikanlegg Bondalseidet.
- Hoppbakkar Bondalseidet.
- Rulleski/ rullestolløype Bondalseidet.
- Utelys ved fotballhallen og kombibygget.
- Fotballbane/fotballhall på Mosflata (forhandling med kommunen om areal pågår).
- Garasje ved kombibygget.
- Oppgradering av løpebane, stadion.
- Startbud Bondalseidet, alpin.
- Rehabilitering grasbane Ørsta stadion.
- Sørvisbygg med garderobe/dusj mellom kombibygget og elva.
- ~~- Oppgradering (m.a. asfalt) av området mellom kunstgrasbana, Kiwi-hallen, kombibygget og stadion. Det blir også tilrettelagt for oppsamling/deponi av granulat frå kunstgrasbana (ferdig 2018).~~
- Nytt kunstgrasdekke Kiwi-hallen.

Eit kvart anlegg skal godkjennast og dernest prioriterast av årsmøtet før utbygging kan ta til. Anleggsplanen skal i tråd med lovene handsamast i årsmøtet eller i ekstraordinært årsmøte i laget.

Styret si tilråding til vedtak: Årsmøtet går inn for den framlagte anleggsplanen.

Handsame idrettslaget sin organisasjonsplan.

Ikkje forslag til endring.

Styret si tilråding til vedtak: idrettslaget sin organisasjonsplan vert vidareført i 2019.

Sak 10: Val av statsautorisert/registrert revisor for 2019

Grunna omsetnad over 5 millionar årleg, er det krav til bruk av godkjent/registrert revisor. Dag Bratteberg er engasjert som revisor for rekneskapen 2018. Styret sitt forslag er at han får halde fram i 2019.

Styret si tilråding til vedtak: Årsmøtet godkjenner styret sitt forslag til revisor.

Sak 11: Gjere følgjande val

- a) På val i AU: Leiar, nestleiar, skrivar og økonomileiar/kasserar.
- b) På val: 1 varamedlem.
- c) Andre val i høve til vedteken organisasjonsplan.
 - a. Formalisere hovudstyret i ØIL. Styret i ØIL er samansett av arbeidsutvalet (AU) samt 1 representant frå kvar gruppe (til vanleg leiaren).
 - b. Godkjenning av dei valde gruppestyra.
 - c. Val/godkjenning av styre for klubbhuset/lokala. I samsvar med ny driftsplan for klubblokala ligg dette ansvaret på arbeidsutvalet.
 - d. Val/godkjenning av anleggsgruppe.

Styret si tilråding til vedtak: Årsmøtet gir Hovudstyret fullmakt til å godkjenne dei gruppestyra som ikkje er klare til årsmøtet.

- d) Kontrollkomité med minst to medlemar. Eitt medlem på val i år.
- e) Representantar til ting og møte i dei organisasjonsledda som idrettslaget har representasjonsrett, eller gje styret fullmakt til å oppnemne representantane.

Styret si tilråding til vedtak: Styret får fullmakt til å velje representantar til ting og møter. Leiaren får fullmakt til å godkjenne utsendingar frå gruppene.

- f) Valkomité.

Sak 12: Utmerkingar.

Det blir delt ut to utmerkingar i årsmøtet (namna er hemmelege til årsmøtet!).

18.3.2019

Styret